

Opis izbori 2010 :Građani BiH danas odlučuju o svojoj sudbini

03/10/2010 10:42 by Administrator

Ukupno 3.126.599 registriranih birača u našoj zemlji danas donosi odluku o tome ko će naredne četiri godine voditi Bosnu i Hercegovinu. Biračka mjesta otvaraju se u sedam sati, a prema planu, trebaju biti zatvorena u 19 sati.

Većeras će se znati prvi preliminarni rezultati izbora. Sve spremno za rad u CIK-u i Glavnom centru za brojanje glasova

Mjere sigurnosti

Centralna izborna komisija (CIK) BiH otkazuje da će već prije 23 sata većeras moći obavijestiti javnost o prvim preliminarnim rezultatima za izbor članova Predsjedništva BiH. Sat iza ponoći znat će se i nezvanični podaci o pobjednicima na nivou Državnog parlamenta, oko tri ujutro Federalnog i Narodne skupštine RS, a oko šest sati i pobjednici za kantonalne skupštine.

Ovo je prvi put otkako se u BiH održavaju izbori da će tako rano biti poznati preliminarni rezultati, a zahvaljujući novoj web-aplikaciji putem koje će se nakon 21 sat poći dostavljati podaci iz općinskih izbornih komisija u CIK. Otkazuje se da oni budu prezentirani videoputem i ašurirani svaki sat, a moći će se posmatrati u zgradi Parlamenta BiH u Sarajevu, gdje CIK većeras organizira izbornu noć.

Š

Osim toga, i u Glavnom centru za brojanje glasova, koji je i ovog puta smješten u sarajevskom Olimpijskom kompleksu Zetra, sve je spremno za rad. Jučer su finalizirane posljednje pripreme, a u Centru je vladala prava radna atmosfera. Postavljao se namještaj, kutije, tehnička oprema i ostali potrebni materijali te davale posljednje upute osobama angažiranim za brojanje glasova.

Kako saznajemo, za taj dio posla angažirano je oko 500 mladih ljudi koji su prethodno prošli potrebna testiranja i obuke. To su uglavnom nezaposlene osobe i studenti koji su prije odabira morali priložiti potvrde da su na birou, odnosno da studiraju.

Kompletan centar osiguran je kontradiverzionom zaštitom (KDZ) radi sprežavanja nepredviđenih problema, poput unošenja eksplozivnih naprava ili drugih nemilih situacija.

Jučer nam je potvrđeno i da Zetru osiguravaju pripadnici MUP-a, a pod policijskim osiguranjem je i sjedište CIK-a.

Kao i na dosadašnjim izborima, i ovog puta birači će glasati na po četiri glasačka listića, izuzev onih iz Brčko Distrikta koji imaju entitetsko državljanstvo Federacije, te će oni glasati na tri listića, jer oni ne mogu birati kantonalne skupštine. Kako glasati

Na glasačkom listiću za Predsjedništvo BiH i glasačkom listiću za predsjednika i potpredsjednike RS može se zaokružiti samo jedno ime.

Glasački listići za parlamente (Državni, entitetske i kantonalne) bit će važeći ako se na njima označi samo jedna stranka ili samo jedna koalicija ili samo jedan nezavisni kandidat. Uz oznažavanje stranke može se križati staviti i pored imena jednog ili više kandidata, ali samo onih koji su na listi te stranke, odnosno koalicije.

Ni ove godine na biračkim mjestima neće biti dozvoljena upotreba mobitela, a u okviru glasačkih kutija bit će i olovke za glasanje. Iz CIK-a su potcrtali da su poduzete stroge mjere predostrožnosti radi sprežavanja bilo kakvih izbornih krađa i drugih zloupotreba te da je na tom polju ostvarena dobra saradnja s Tužilaštvom BiH i ostalim sigurnosnim agencijama u našoj zemlji.

BLUSRCU.BA - Stranica za sve banjalučane sirom svijeta!

<http://blusrcu.ba>

Ko učestvuje na izborima

63 politička subjekta

8. 242 ovjerena kandidata

39 stranaka

11 koalicija

13 nezavisnih kandidata

518 broj nosilaca mandata koji će biti izabrani

1
Biračka mjesta

5.276 formiranih biračkih mjesta od čega je:

4.981 redovno biračko mjesto

145 biračkih mjesta za glasanje u odsustvu

143 biračka mjesta za lično glasanje

7 biračkih mjesta u diplomatsko-konzularnim predstavništvima

Broj birača

1.934.417 birača registriranih u FBiH

1.192.182 birača registrirana u RS

13.878 birača registriranih za glasanje u odsustvu (raseljene osobe unutar BiH koje glasaju u trenutnoj općini boravišta, ali za svoju općinu prebivališta iz 1991. godine)

8.595 birača registriranih da glasaju lično (raseljene osobe unutar BiH koje su izrazile želju da lično glasaju u svojoj općini prebivališta iz 1991. godine)

36.649 birača registriranih za glasanje iz inozemstva

Izborni posmatrači

53.738 akreditiranih posmatrača u ime političkih subjekata

106 posmatrača u ime 15 političkih subjekata akreditiranih za posmatranje rada CIK-a i Glavnog centra za brojanje

BLUSRCU.BA - Stranica za sve banjalučane sirom svijeta!

<http://blusrcu.ba>

779 posmatrača akreditiranih u ime 20 udruženja građana

500 međunarodnih posmatrača akreditiranih u ime oko 35 međunarodnih organizacija

Izvor vijesti: Dnevni Avaz